

Fa'amatalaga i le toe fa'afaigalueina o tagata i le Pacific Australia Labour Mobility scheme

E naunau le Mālō o Ausetalia i le soifua mālōlōina ma le soifua lelei ma le manuia o tagata faigaluega uma o Pacific Australia Labour Mobility (PALM) i Ausetalia. Matou te manana'o ia e lagona le saogalēmū, lagolagoina ma fai leleia.

Matou te malamalama o nisi taimi e mafai ona taofi le galuega i lalo o le polokalame a le PALM ona o tulaga e lē mafai ona e pulea. A e tu'ua lau galuega i totonu o le polokalame a le PALM ma filifili e nofo i Ausetalia e aunoa ma se galuega ua fa'amaonia e le polokalame a le PALM, e ta'ua la lea o le mālōlō.

Matou te malamalama o nisi tagata faigaluega e tu'ua a latou galuega ona o mafua'aga e lē mafai ona latou pulea ma o lo'o naunau e tu'uina atu i tagata faigaluega agava'a avanoa talafeagai e toe fo'i ai i le polokalame a le PALM. O lenei faiga e ta'ua o le toe fa'afaigaluegaina.

Lagolago ma puipuiga i lalo o le PALM

O le fuafuaga a le PALM e ofoina atu puipuiga tāua ma lagolago mo oe, e aofia ai:

- o le tutusa o āiā tataui galuega e pei o tagata faigaluega Ausetalia, e aofia ai totogi ma tūlaga.
- tausiga fa'aleagaga ma le lagolago mo le soifua mālōlōina, e aofia ai avanoa i fale saogalēmū.
- auala manino e maua ai fesoasoani ma fa'ailoa ai atugaluga pe a tupu se mea sesē i le galuega.

Lagolago pe afai ua taofi le galue

O le Matāgaluega ma So'otaga i Nofoga Galue e iai se 'au fa'apitoa e fesoasoani i tagata faigaluega na tāofi le faigaluega (pe tu'ua) i lalo o le PALM. O lenei 'au:

- va'ai i talosaga a tagata faigaluega o lo'o manana'o e toe fo'i e faigaluega i lalo o le PALM
- talanoa ma oe e malamalama ai i lou tulaga
- lagolagoina tulaga e aofia ai le sailia o se fale faigaluega fou ma tu'uina atu fa'amatalaga e uiga i fa'amaoniga o lo'o avanoa e toe fo'i ai nu'u/aiga.

E iloiloina fa'atasi talosaga ta'itasi e tusa ai ma ou tulaga patino. E lē taliaina talosaga uma.

A e ono mafai ona toe fa'afaigaluega oe i lalo o le PALM

E mafai ona toe talia oe pe a:

- ua e lē toe galue mo lau pulega PALM muamua ma na e talosagaina e toe fo'i i le polokalame a le PALM
- o lo'o e i Ausetalia ma se visa subclass 403 mautūlaga ma e itiiti ifo ma le 6 masina le aogā.
- e i ai se mafua'aga na e tu'ua ai le galuega na iloiloina e le matagaluega o se tūlaga talafeagai
- e leai ni mataupu fa'asolitulafono o i luma o le fa'amasinoga i le taimi nei.

A lē lagolagoina le toe faigaluega

Lagolago e toe fo'i i galuega a le PALM e tu'uina atu mo tagata o lo'o i ai se vīsā māutu, o lo'o i Ausetalia ma na tāofi le galue ona e lē o sesē o latou lava.

Afai na e te lē toe galue i se pulega talafeagi, e lē mafai e le matagaluega ona lagolagoina lou toe galue i le polokalame a le PALM.

O le a le mea e tupu pe afai e te agava'a

Afai e va'aia ua talafeagai, o le a taumafai le DEWR e fesoasoani e tu'uina oe i se vaega fou o le PALM. E fa'alagolago lea i le avanoa o galuega talafeagai.

Fa'amolemole ia matau vaega nei:

- e mafai ona umi se taimi e o'o ai i se taunu'uga talafeagai
- e lē mafai ona mautinoa le toe fa'afaigaluegaina.
- e ono mafai ona fa'atapula'a avanoa o galuega
- e ono mana'omia ona si'itia i se isi nofoaga pe galue fo'i i se isi pisinisi.

Mauaina o fesoasoani ma fautuaga

Afai ua tāofia le auai i le polokalame a le PALM e u'una'i oe e faafeso'ota'i le laina tautua lagolago a le PALM e fa'atalanoa ai au filifiliga.

- Telefoni: (1800 51 51 31)
- Imeli: (palm@dewr.gov.au).

E mafai fo'i ona fa'asoaina nei fa'amatalaga o feso'ota'iga i fa'alapotopotoga a le nu'u po'o tagata faigaluega o lo'o fesoasoani e lagolagoina oe.